


徑律異相

才三十一

四百四十三  
倍五

5112/



經律異相卷第三十五

梁沙門僧旻寶唱等集



傍

得道長者部上

寶稱出家見佛悟道一

守籠那足下生毛苦行得果二

最勝難降深化成道三

福增百歲出家見其本骸心曉見道四

須達多崎嶇見佛時獲悟道五

須達七貧後得食併奉佛僧倉庫自滿六

最勝魔嬈不移七

申日為佛作毒飯火坑自皆變滅八

辯意請佛僧有二乞兒一死一為王九



曇摩留支先身為大魚十

慳長者入海婦施佛綃眾商皆死唯

已獨存十一

毗羅陁請佛僧食而庫藏自滿十二

婆世躡染欲危身為目連所救十三

長者新生一子即識本緣求母請佛

甘味自下十四

阿那邠祁七子為財受戒聞法離垢

十五

寶稱長者出家見佛悟道一

波羅柰城有長者名阿具利子字曰地陁

梁言

寶稱時年二十四有瑠璃屐生而著足

經云夜輪

父母貴異字曰蚘陁別作屋宅寒暑易處伎  
女娛樂不去左右寶稱中夜欵見諸伎女皆  
如死狀膿血流溢支節斷壞屋宅衆具皆似  
家墓戶輒自開天地大冥唯覩小光趣東城  
門門復自開明照鹿園尋光見佛瞻覩相好  
怖止迷解舉聲歎曰又在愛獄著名色戒  
趣神尊寧得脫不佛言童子善來覺矣其  
無憂衆行畢竟前禮佛足佛爲說法逮無垢  
法眼即起白佛願爲弟子佛言善來比丘便  
成沙門明旦衆女周憶遍求大家驚怖不知  
所在長者遣馬四出推索父乘子車東行尋  
求道過一水水名波羅柰度水見子寶履脫

置岸邊即尋足跡徑趣鹿園佛以方便令其  
父子兩不相見長者問佛言我子寶稱足跡  
趣此瞿曇見不佛告長者若子在斯何憂不  
見佛爲說法入須陀洹寶稱心解便得羅漢  
父子相見恩愛微薄長者白佛今日心悅情  
有二喜一遇佛解喜二離愛快喜於時寶稱  
親友四人一名富禰二名維摩羅三名橋炎  
鉢四名須陀聞寶稱已作沙門驚喜毛豎曰  
吾共詣佛并省寶稱即便俱行見佛影則乘  
本願行作禮白佛飢渴道化虚心日久不以  
鄙陋願爲弟子佛言善來比丘皆成沙門爲  
說心本淨聞義心了便得羅漢如有聞者發

足尋覓皆得道果

出中本起經上又  
出出曜經十九卷

守籠那足下生毛苦行得果二

瞻婆城有大長者子字守籠那其之父母唯  
有此子心甚念之生來習樂未曾躡地足下  
生毛時摩竭國王聞瞻婆城中大長者子遲  
欲見之即勅城主使諸長者各將兒來時瞻  
婆城主奉勅詣摩竭王在一面住王聽以衣  
敷地詣王所王見足毛心甚歡喜即語言可  
往見佛禮拜問訊當與汝後世利益時瞻婆  
城主及諸長者共詣耆闍崛山時有長老娑  
竭陁爲佛給使在槃石上坐時瞻婆城主詣  
長老娑竭陁所言我等欲見如來時娑竭陁

即沒石上涌出佛前白言瞻婆長者欲見世  
尊佛言汝往屋陰中敷座我當往坐時娑竭  
陀即敷座已還到佛所白世尊言敷座已竟  
世尊坐已告娑竭陀言語長者來時娑竭陀  
沒於佛前涌出石上時諸長者歎未曾有世  
尊弟子神足猶尔况復如來娑竭陀言長者  
宜知是時瞻婆城主來詣佛所世尊尔時即  
爲諸長者子及瞻婆城主說法勸化即於座  
上得法眼淨白世尊言大德從今已去歸依  
三寶爲優婆塞時守籠那後遂出家往温水  
河邊尸陀林中勤行精進經行之處血流汚  
地猶如血塗時守籠那在靜處思惟佛弟子中



勤行精進無勝我者我今何故不得無漏我  
當捨戒還家自恣五欲布施作福佛知其心  
到守籠那所我今問汝隨意答我汝在家時  
彈琴琴絃若緩若急音聲好不若不緩不急  
乃得好聲佛言比丘亦如是不緩不急心乃  
會道依教修行逮成羅漢焉

出四分律三  
分第二卷

最勝難降染化成道三

昔舍衛城內有一長者名曰最勝更有長者  
名曰難降二人慳貪國中第一饒財多寶不  
可稱計二人門戶各有七重勅守門者無令  
乞兒得入我家庭室中鐵籠徧覆庭內以斷  
飛鳥四面鐵牆防鼠穿鑿啮壞器物是時五

大聲聞各以次第詣彼教化從地涌出教以  
法施長者二人聞之各不受化後佛自往坐  
卧虚空放大光明佛與長者說微妙法長者  
雖聞心猶不達內自思惟佛來至不可虛尔  
使還精舍宜入歲裏取一白氎布施如來即起  
入歲選一惡者反更得好捨而更取倍得好

者心意共諍不能自決當於其日阿須倫與  
忉利天共鬪或天得勝阿須倫不如或阿須  
倫得勝諸天不如尔時世尊以天眼觀見長  
者心或時慳心得勝施心不如或時施心得  
勝慳心不如尔時世尊便說斯偈

施與戰同處

此德智不譽

施時亦戰時

此事二俱等

長者遙聞內懷慙愧如來所說正謂我身即  
出好氎持用爲施難降長者出五百兩金持

用惠施心開意解各見道跡

出出羅經  
第十七卷

福增百歲出家見其本骸心曉見道四

若放男女若放奴婢若聽人民若自己身出

家入道功德無量布施之報六天人中往反

十世出家之福無邊無量勝起七寶塔上至

三十三天以貪人能壞出家之德無有可毀

乃高須弥深於大海廣於虛空若爲出家作

留難者其罪甚重入深地獄黑闇無目有一

長者名尸利苾提

梁言  
福增

其年百歲求欲出家

家人大小無從用者尸利苾提往趣迦蘭陀  
竹林從舍利弗求欲出家老不得出家徧問  
五百羅漢皆同舍利弗出竹園門舉聲大哭  
優波離是剃髮賤人泥提下穢除糞之人殃  
掘摩羅殺無量人及阇塞鞞大賤惡人如是  
等人尚得出家我有何罪而獨不得佛即涌  
現問福增言汝何故哭聞佛梵音心喜作禮  
白佛言諸罪惡人皆得出家我何罪不聽我  
出家大小不復用我於佛法中復不得出家設  
我還家必不見前我當何趣今日定當於此  
捨命佛慰喻言汝莫憂惱聽汝出家告大目  
連聽與出家即得出家受具足戒晝夜精勤

修集讀誦廣通經歲以年老故不能隨時恭  
敬迎逆禮問上座諸少比丘皆爲上座常苦  
言激切又作是念我今寧死往大河岸邊脫  
云袈裟置樹枝上泣而誓言我不捨佛法衆  
僧唯欲捨命我此身上布施持戒精進誦經  
設有報者願我捨身生富樂家眷屬調從於  
我善法不作留難常遇三寶遭值善師求悟  
涅槃誓畢投泅腹中未至水頃目連接置岸  
上令捉衣角上衝虛空猶如猛鷹銜一小鳥  
屈伸臂頃至大海邊海邊有新死人女相具  
足見有一垂從口出還從鼻入復從眼出更  
從耳入苾提問此何女人荅曰時到當說前

行復見一女自負銅鑊然火炊之既沸脫衣  
自入鑊中髮爪先脫肉熟離骨沸吹骨出在  
外風吹尋還成人自取其肉而噉食之次復  
前行見一大樹多蟲圍啜其身乃至枝葉無  
有空處如針頭許犬吠震動如地獄聲復次  
見一男子周巾獸頭諸惡鬼神手執弓弩三  
放毒箭鏃皆火然競共射之身皆焦然又見  
一大山下安刀劍見有一人從上投下刀戟  
劍稍壞刺其身即自收拔還豎本處往還不  
息前見骨山高七百由旬目連於山爲說舍  
衛城中大薩薄婦夫甚愛念欲入大海戀婦  
不捨即將入海婦擎鏡照面自覩端正便起

憍慢深生愛著時遇大龜蹋船沒海薩薄及  
婦五百賈客一切皆死海不受屍夜叉羅刹  
出置岸上隨所愛念死還生為蟲捨此蟲身  
墮大地獄舍衛國優婆夷婢優婆夷請一比  
丘夏九十日奉給供養使婢送食婢至屏處  
選好自食餘與比丘大家覺問婢荅我若先  
食使我世世自食身肉今先受華報後墮地  
獄大樹諸蟲啖食發大惡聲是瀨利吒營事  
比丘用僧祇物華果飲食送與白衣受此華  
報後墮地獄啖樹諸蟲即得物之人舉聲  
大哭衆箭射身者此人前身為大獵師多害  
禽獸以是罪故受斯苦毒於此命終墮大地

獄大山上自投刀劍者是王舍城大健鬪將  
以猛勇故身處前鋒或以刀劍矛稍傷剋物命故  
受此報已又墮地獄其骨山者汝故身也有一國王名  
曇摩苾提布施持戒慈悲不傷物命正法治國  
滿二十年共人博戲時有一人殺人諸臣白王荅  
言隨國法治即案律殺王戲已畢問罪人何在  
臣曰已殺王聞泣曰七珍皆住我獨入地獄即  
捨王位入山自守命終作摩竭魚身長七百由  
旬王臣恃勢枉刻百姓命終亦作摩竭大魚身  
垂瘡瘁指頰梨山碎殺垂血流百里皆赤應墮  
大地獄時魚一眠百歲乃覺覺大飢渴即便  
張口海水流入如注大河有五百賈客入海



採寶值之船趣魚口賈人稱南無佛魚聞閉

口賈客得活魚飢命終生王舍城夜叉出身

置此海邊時王者汝身是殺人為魚苾提解

法無常厭世盡結得羅漢果出賢愚經第七卷

須達多崎嶇見佛時獲悟道五

舍衛國有大長者名須達多賢愚經始去大

呼居常給施孤獨乞兒人以為号先有田業

在王舍城年年履行大涅槃賢愚二經云寄

止長者護弥家中本起經云迦蘭陀那夜起掃

治宅舍辦諸餽饌須達問之荅曰迦毗羅城有

釋種子名悉達多姓瞿曇氏其生未久相師

占之定當作轉輪王心不願樂捨之出家無

師自覺得阿耨多羅三藐三菩提於諸衆生

其心平等故号為佛明受我請又問今在何

處答曰在迦蘭陁竹林精舍十誦律須達多

一心念佛所有功德忽然大明尋光而出至

尸呵城門佛神力故自然而開四分律云出

門路有天祠須達致敬尋還黑闇心生惶怖

復欲還反城門有大天神告須達言仁者見

佛當獲善利盡闇淨提所得功德不如發心

一步詣如來所須達問曰汝是誰耶答曰我

是信相婆羅門子四分律云我是汝往昔善

知識我因往昔見舍利弗大目犍連禮拜歡

喜捨身得作北方天王毗沙門子專知守護

此城

十誦律大同

况見如來禮拜供養須達見佛

佛如應說法得須陀洹道

出大涅槃第二十七卷又出雜阿含

第二十卷中本起四部律皆大同小異

須達七貧後得食併奉佛僧倉庫自滿六

長者須達七貧後貧最劇於糞壤中得一杵

斗其實栴檀出市賣之得米四斗語婦曰且

吹一斗吾當索菜時佛念曰當度須達令福

更生吹米方熟舍利弗往婦見歡喜一斗米

飯悉投著鉢中更吹一斗目連復往亦歡喜

與之復吹一斗迦葉復往亦復與之適有一

斗尋復吹熟如來自往婦自念言間日之糧

莫有降者今有是米如來躬顧得無罪畢福

生者哉一斗米飯盡施如來佛口呪願罪滅  
福生從今日始須達尋歸婦恐其恚便問曰  
如今佛來及舍利弗目連迦葉盡來求食當  
與不耶答曰當與福田難遭若來求者是為  
值遇婦言向四斗米吾盡用施矣夫大歡喜餘  
有飯汁公姥共飲之須臾徜徉諸室珍寶倉庫  
穀帛自然實滿如往時富也須達踊躍知佛  
愍念更請佛及僧供養盡空佛為說法皆得

道迹

出雜譬  
喻經下

最勝魔燒不移七

最勝長者聞說妙法即於座上諸塵垢盡得  
法眼淨受三白歸為優婆塞盡形壽不殺佛

去不久弊魔波旬化作佛像及相好來至長者家長者念曰如來向出還其何速偽佛告曰吾謂長者高才博智分別譏趣諦念長者愚惑無智吾向所說四諦者實非真諦斯是顛倒外道所習長者即自覺知即報之曰止止勿語吾得慧眼住牢固地正使汝化作億千万身吾不退轉何以螢火之光與日競明田家灰堆欲比須弥鷄鷲烏鵲金翅並飛波旬慙愧復身而去

出最勝長者  
受呪願經

申日爲佛作毒飯火坑自皆變滅八

是時王舍國有一四姓長者字爲申日財產甚富金銀珍寶無有央數申日事餘道人唯

不事佛諸異道人皆共嫉妬申日共議言佛  
今爲王及傍臣長者吏民所敬而我等獨不  
爲所重佛常自說言知去來現在之事知他  
所念今寧可試爲審尔不申日言當何試之  
異道人言請佛持毒藥置飯中掘門裏深五  
丈以火置中薄覆其上令佛從上來佛若知當  
不受請受請則不知申日言諾即行請佛佛  
言大善異道人言已無所知但當穿地申日  
有子字栴羅法年十六通達宿命善學佛道  
能知去來現在之事啓其父言佛已知之莫  
用惡人言自投湯火申日不信掘坑然火飯  
置毒藥告諸比丘隨我後行佛適向道便放

光影令申日舍中悉作金色時梅羅法即語  
父言今佛已起向道十方皆明如日佛到城  
門足踏門限舉大城中即爲大動病者即愈  
箜篌樂器不鼓自鳴佛到申日門五丈火坑  
化作浴池中生蓮花一花千葉諸弟子所踏蓮  
華華生百華皆蹈華而行申日見火以作水  
池中生蓮華便大懼怖頭面著地以誠自說  
今爲佛作飯皆以毒藥置中願乞更炊佛言  
不須更炊持毒藥飯來食勅諸比丘且勿食  
須我教乃食佛即呪曰天下凡有三毒一者  
貪婬二者瞋恚三者愚癡佛無是三毒爲不  
行至誠有經法者毒亦不行飯食中毒皆自

消去佛言皆飯申日頭面禮佛足言我大無  
狀用惡人之言願從世尊求哀悔過佛爲說  
經得須陀洹道

出申日  
兜本經

辯意請佛僧有二乞兒一死一爲王九

舍衛國有一長者子名曰辯意聞佛說五十  
事要還得法忍五百長者子得法眼淨辯意  
言唯願世尊及大衆明日中自屈於我舍食  
佛與大衆往其家食未呪願有一乞兒歷座  
行乞無敢與者遍無所得瞋恚而出便生惡  
念此諸沙門放恣愚惑有何道哉貧者從乞  
無心見與吾得爲王以鐵軻車轆斷其頭言  
已便去佛呪願竟復一乞兒來從衆乞食各



各與之大得飯食歡喜而去即生念言此諸  
沙門有慈悲心我得爲王供養佛僧乃至七  
日不報今者飢渴之恩言已便去二乞兒展  
轉求匄到他國中卧於道邊深草之中時彼  
國主忽然崩亡無有繼嗣相師判言書記當  
有賤人爲主諸臣百官千乘萬騎按行國界  
望見草上有雲霞蓋相師曰中有神人即得  
乞兒諸臣拜謁乞兒驚愕自云下賤非是王  
種皆言應相沐浴香湯著王之服光相莊嚴  
導從入國惡念乞兒在深草内卧寐不覺車  
轆斷其頭

出辯  
意經

曇摩留支長者先身爲大魚十

昔有長者字曇摩留支問訊佛言曇摩留支  
別來大久乃得相見有人問佛荅曰昔阿僧  
祇劫時世有佛名曰定光我時爲梵志字曰  
超述時定光佛方欲入城我即中路相逢解  
髮布泥上令佛踏過佛即記曰汝勇猛乃尔  
却後阿僧祇劫當得作佛汝于時起恚心曰  
此人與畜生無異乃踏他頭髮上過去從是  
以來阿僧祇劫常墮畜生中復在大海中爲  
魔竭魚身長七千由延時有五百賈客乘船  
入海採寶值此大魚喻船垂欲入口時五百  
人各稱所事時賈客主語衆人言今世有佛  
名釋迦文濟人危厄無復是過我等稱名冀

蒙得脫即便齊聲稱喚魚聞佛名本識由存  
即思惟曰釋迦文佛已出世間我身云何故  
在魚中即而歸依時魚還沒水五百賈客安隱  
即歸時魚即撲身出沙潭上不飲不食經二七日  
命歿生長者家作子字曇摩留支今來與吾  
相見所以稱久遠耳留支聞此本末即向海  
邊求其故屍見大魚骨皮肉已盡行脇骨上  
思惟言此是我故屍即以華散故屍上尋唯

既往忽然道成

出分別功德  
經第四卷

慳長者入海婦施佛絹衆商皆死唯己獨存

十一

昔者有人大富而慳其婦好法欲施不敢瞋

臨入海先以鐵蒺藜三重繞舍婦礙之不能  
得出一心念佛諸鐵關闕變成鵠毛取絹一  
疋寄人施佛佛受呪願夫與五百伴共在海  
中為鬼所噉唯留其夫諸鬼相語是人婦事  
佛不可近也伴侶死盡獨得寶還問婦何事  
婦具告之二人歡喜即請佛僧設會得道出

喻經第一卷

毗羅陀請佛僧食而庫藏自滿十二

昔佛在世有大長者名修羅陀財富無數信  
向道德自誓常以臘月八日請佛及僧終身  
子孫奉行不輟長者亡時囑兒勿廢見名毗  
羅陀後日漸貧至時無以供辦愁感不樂佛

遣目連往問云汝父供月欲至當設何計答  
言唯願世尊勿見忽棄八日臨眇將妻至外  
家質百兩金還辦供具佛與千二百五十衆  
僧往舍而坐行水下食清淨竟而還其日夜  
半諸故藏中寶物自滿夫婦見之且喜且懼  
恐官顧問即往白佛佛言安意使用勿有疑  
難汝之履信不違父教聞施慧道七財滿足

出法句經  
第三卷

婆世躡染欲危身為目連所救十三

佛在羅閱祇國有豪長者名尸利躡大富盈  
溢婦生一男形容嚴妙請師占候歎子福德  
問言從懷此兒有何瑞應長者曰其母訥口

鈍辭旣懷此子談語巧妙字婆世蹟及年長大遊行觀看見那羅伎家有一女子心便染著欲得娉娶還啓父母願爲求索父母告言高卑非正如何爲婚子重啓言莫問門戶但論其身幸爲我求若不如志便自殞命父母從之共作婚姻兒惑其色不耻鄙事卽詣彼家學習戲藝皆已成就是時國王集諸那羅多戲事時長者子次應現伎上索而走王脫不見復勅更上氣力漸羸中道欲墮心中惶懔無所歸依目連陵虛告之曰如卿今日寧全身命出家學道爲寧墮地娶彼女耶荅言願自存濟不用女也目連卽時化作平地得

全身首喜不自勝隨逐目連往詣世尊禮拜  
供養佛於是時廣說妙論心意開解便得初  
果因求出家世尊聽之鬚髮自落法衣在身  
專精禪思成阿羅漢佛言過去世波羅柰國有  
大長者初生一子端正無比有人從海中來  
賣一鳥卵用奉長者長者納受經少時間其  
卵便剖出一鳥鷦毛羽光潤長者授之與子使  
弄子騎鳥脊飛遊觀看聞他國王作那羅戲  
乘鳥至彼鳥住樹上偶見王女情便染愛遣  
信騰情女便與交爲王所知推捕縛來而當  
斬戮長者子言諸君何爲勞力殺我聽我上  
樹自投而死諸人聽許便即上樹乘騎其鳥

翔虛而去得延壽命時長者子今婆世躋是  
王女者今伎家女是介時鳥者則目連是過  
去世時惑色致困由鳥得濟今垂當死由於

目連故得安隱

出賢愚經  
第十三卷

長者新生一子即識本緣求請佛甘味自下  
十四

舍衛國中有大長者生一男見面目端正生  
而能言問其父母世尊及舍利弗阿難等皆  
在出世不父母答在見其能言乃謂非人即往  
問佛佛言此兒有相父母歡喜兒又啓曰唯  
垂請佛及僧答曰卒無供養兒又啓曰但掃  
灑堂舍莊嚴牀席施三高座百味飲食自然



滿堂又先身之母今猶存在居波羅柰國願  
為仰報父母遣使馳象迎接以三高座一擬  
如來一為今身母一為前世所生母佛與眾  
僧既入其舍甘味飯食自然而下種種豐饒  
佛為說法合家大小盡得初果

出賢愚經  
第一卷

何那邠邠七子為財受戒聞法離垢十五

舍衛城中阿那邠邠有七子心無篤信於佛  
法眾不持五戒阿那邠邠長者言我當賜汝  
千兩金汝等可歸命三寶受於五戒七子聞  
之便欲歸三寶受持五戒父母各賜千兩金  
俱至世尊所具以白佛云何世尊彼七子頗  
有福善諸功德不佛言善哉長者饒益眾生

安隱天人彼七子者緣是諸善功德具足所  
獲果報我今當說北方有國城名石室國土  
豐熟人民熾盛彼有伊羅波多羅藏無數百  
千金銀珍寶於彼犍陀賴國人七歲之中隨  
其所欲皆悉費用無所減少及此伊羅鉢多  
羅大寶藏彼七千兩金百倍千倍百千倍無  
數倍皆悉不及汝七子所獲功德世尊與阿  
那邠祁說微妙法即從坐起白世尊言願受  
我請及比丘僧欲設甘露飲食爲七子故世  
尊默然受世尊知時與比丘僧前後圍繞入  
舍衛城詣阿那邠祁家皆即就坐長者及子  
禮敬世尊世尊說法使還等見告言如是長

者七子甘饌飲食飯佛比丘食竟除鉢佛與七  
 子說法各於座上諸塵垢盡無有瑕穢得法  
 眼生彼已見法無有狐疑亦無猶豫  
 七子  
 經卷

經律異相卷第三十五

傍

炊之	弩	欲	起	致	音	崎
古下	下	上	勿	音	崎	崎
反乃	下	上	反	邠	崎	嶇
音	反	去	忽	邠	亦	上
啞	苾提	待也	械	邠	上	上
子	必上	聲	相胡	邠	上	音
敢	反類	斬戮	胡界	邠	險	反
也	音	下	反	又	負	下
瀨	鞞	音	鄙	作	丘	俱
賴	居	字	陋	邠	渠	夷
瘞	宜	音	美	給	反	一
瘞	音	昨	反	孤	音	鳥
瘞	音	音	躡	長	反	也
瘞	音	音	地	者	也	弄
瘞	音	音	反	者	也	又
瘞	音	音	上	者	也	躡
瘞	音	音	步	者	也	許
瘞	音	音	輒	者	也	許
瘞	音	音	逢	者	也	許
瘞	音	音	逢	者	也	許

下祖水反  
刀戟  
下居逆  
劍稍  
下音朔  
屏處  
音上

餅也  
隱糞壤  
兩下  
公姥  
反母也  
措  
反口皆  
娉婦  
正上

併反  
珊檀  
干上  
蘇劇  
音極  
又鷓鴣  
二同助朱  
灰

堆  
回下  
反丁  
金翅  
下施  
反無鞅  
下於良  
反斃  
王侯  
二音空

求  
白  
下音蓋  
乞  
喻  
反許及  
沙渾  
下音但  
水  
中  
輟

丁劣反  
眇  
音麵  
訥口  
反上  
奴骨  
鈍  
徒困  
反匹

正  
用二  
同  
殞命  
上羽  
敏反  
惶懷  
下其  
譽反  
便  
齒

下反  
脊  
音跡  
下

